

64. — Því er kemur til erinda þeirra hvers um sig, er fyrir liggja, þá hafið 28. febr. þjer lagt til:

1.) að ábúandanum á Stóra-Langadal í Skógarstrandarhreppi verði, eptir gefnu fjórðungur allrar landskuldar um 3 ár, en landskuldin er 160 álnir alls, og greiðast 5 sjöttungar hennar eptir fornu lagi með 9 aur. alinin en 1 sjöttungur eptir meðalverði allra meðalverða í verðlagsskránni;

2.) að landsetanum á Jörðunni Kárastöðum í sama hreppi verði gefin eptir hálf landskuldin um eitt ár, en hún er öll 70 álnir og greiðast 30 álnir af henni eptir fornu lagi með 9 aur. alinin, en 40 álnir eptir meðalverði allra meðalverða í verðlagsskránni;

3.) að landsetanum á Fáskrúðarbakka í Miklaholtshreppi verði eptir gefnar 2 vættir af allri landsskuldinni um tvö ár, en landsskuldin er öll 4½ vætt, og greiðist helmingur eptir fornu lagi með 3 kr. 18 aur. vættin, en helmingur eptir meðalverði verðlagsskrár;

4.) að landsetanum á Hraunmúla í Staðarsveit verði eptir gefinn helmingur landsskuldar um 3 ár; en landsskuldin er öll 2 vættir og 15 álnir, og greiðast 5 sjöttungar eptir fornu lagi með 3 kr. 18 aur. vættin, og 1 sjöttungur eptir meðalverði verðlagsskrár;

5.) að landsetanum á Stóra-Kambi í Breiðuvíkurreppi verði gefin eptir hálf landskuldin um 3 ár, en öll er hún 4 vættir og greiðast 5/6 eptir fornu lagi með 3 kr. 18 aur. vættin, en 1/6 eptir meðalverði verðlagsskrár, og svo verði honum um sama tímabil gefin eptir leigan af einu af þeim þrem kúgildum, er jörðunni fylgja; — og loksins,

6.) að landsetanum á Fjarðarhorni í Helgafellssveit verði gefin eptir hálf landskuldin um 2 ár, en hún er öll 22½ alin, er greiðist eptir meðalverði allra meðalverða í verðlagsskránni, og svo verði honum og veitt 150 kr. þóknun fyrir að byggja upp jarðarhúsin og hreinsa túnið, þá er hann hefir sannað með löglegri skoðunargjörð, að hann hafi leyst hvorttveggja þessi verk viðunanlega af hendi.

Út af þessu læt jeg eigi hjálða að tjá yður til þóknanlegrar leiðbeiningar og frekari birtingar, að jeg eptir atvikum fellst á ofanefndar tillögur yðar, herra landshöfðingi, og uppástungur.

65. — Brjef ráðgjafans fyrir Ísland til landshöfðingja um þóknun handa hjeraðs- 28. febr. lækni. — Með þóknanlegu brjefi 29. nóvbr. f. á. hafið þjer, herra landshöfðingi, sent hingað erindi frá Ólafi Sigvaldasyni, lækni í 7. læknishjeraði, þar sem hann sækir um fyrst og fremst: að sjer verði greidd þóknun úr landssjóði, 1125 kr. að upphæð, fyrir það, að hann hefir gegnt læknis-störfum í 5. læknishjeraði frá 1. september 1876 til 1. marz 1878 jafnframt því, er hann stundaði embætti sjálfs sín; en á þessari upphæð þykist hann eiga heimting, með því að hann hyggur, að eigi hafi rjettur til verið samkvæmt 3. gr. laga 15. október 1875 um aðra skipun á læknahjeruðunum og fleira að skylda hann til að takast þjónustu þessa á hendur kauplaust; og til vara: að verði nýnefndri beiðni hans ekki sinnt, verði honum leyft að snúa á hendur landshöfðingjanum um málssókn þeirri, er hann þá ætlar að hefja, til að fá landssjóð dæmdan til að greiða sjer upphæð þessa.

Út af þessu lætur ráðgjafinn eigi hjá líða að tjá yður þjónustusamlega til þóknanlegrar leiðbeiningar og birtingar, að ráðgjafinn finnur eigi ástæðu til, eins og málið

nú liggur fyrir, að leyfa að greiða gjald þetta úr landssjóði, en að það með þessu brjefi 65 er leyft beiðandanum, að stefna máli því, sem hann kynni að ráðast í að höfða gegn 28. febr. landssjóði út af þessu, á hendur landshöfðingjanum.

Það hefir komið í ljós í þessu máli, að við meðferð frumvarpsins til fjáruka- laga fyrir 1880 og 1881 á alþingi hefir sú villa á orðið, að þá er frumvarpið var sent frá neðri deild til efri deildar, hafði gleymzt að taka upp í það nýja grein, sem neðri deild hafði samþykkt við 3. umræðu, en með þeirri grein var Ólafi lækni Sigvaldasyni veitt þessi 1125 kr. upphæð; í efri deild var frumvarpið samþykkt óbreytt í þeirri mynd, sem forseti neðri deildar sendi það í, og hefir það þannig í rauninni verið sam- þykkt í sinni mynd í hvorri þingdeildinni um sig. Ráðgjafinn er nú samdóma yður í því, að þetta hafi engin áhrif á gildi fjáruka- laganna fyrir 1880 og 1881, sem út komu 4. nóvbr. f. á.; en út af tilefni því, sem mál þetta þannig gefur til þess, lætur ráðgjaf- inn eigi hjá líða að vekja athygli yðar, herra landshöfðingi, á því, hve nauðsynlegt er, að þá er lagafrumvörpin eru send ráðgjafanum, þá sjeu jafnframt lagðar fram fyrir hann allar umræður, sem á alþingi hafa gjörzt um þau.

— **Brjef landshöfðingja til stiptsyfirvaldanna um endurbygging og flutning á 66 Dvergasteinskirkju.** — Stiptsyfirvöldin hafa með brjefi 24. f. m. sent mjer erindi frá 7. marz hinum setta presti á Dvergasteini síra Jóni Bjarnasyni, þar er hann sækir um 6000 kr. lán af viðlagasjóði til að reisa nýja kirkju á Vestdalseyri í stað kirkju þeirrar, er nú er á Dvergasteini, þannig að vextir og höfuðstóll lánsins verði borgað af tekjum kirkjunnar. Stiptsyfirvöldin hafa nú tekið fram, að nauðsyn beri til að reisa nýja kirkju, bæði fyrir þá sök, að kirkja sú, sem nú er, sje mjög hrörleg, og sakir þess, að hún sje orðin allt of lítil, með því að mjög hafi fjölgað fólki í söfnuðinum hin síðustu ár, og með því að kirkjan nú sje mjög óhentuglega sett, þá sje og þörf á að flytja hana á annan stað bet- ur hentan; þau hafa því mælt með beiðni þessari, þó svo að eins, að lánið fari ekki fram úr 3—4000 krónum, og að prestur sá, er hlut á að máli, gefi út skuldbindingar- skjal prestakallsins vegna fyrir upphæð þessari. Þá hefir og herra biskupinn tjáð mjer um flutning kirkjunnar, að hjeradsfundur Suðurmúlaprófastsdæmis, hafi fallizt á hann, og hefir biskupinn mælt með, að flutningurinn verði leyður, þó með því skilyrði, að fengin verði formleg heimild fyrir hinu nýja kirkjustæði af hendi lóðareigandans, og er gjört ráð fyrir, að lóðin undir kirkjuna fáið ókeypis.

Út af þessu vil jeg nú tjá stiptsyfirvöldunum til þóknanlegar leiðbeiningar, og svo að þau kunngjöri þeim það, er hlut á að máli, að Dvergasteinsprestakalli muni veitt lán úr viðlagasjóði, 4000 kr. að upphæð, til að reisa nýja kirkju fyrir tjeðan söfnuð, með því skilyrði, að lánið ávaxtist og endurborgist með 6% árlega af upprunalegri upp- hæð þess í 28 ár. Sömu- leidis fellst jeg á tillögur biskupsins um, að kirkjan verði flutt frá Dvergasteini til Vestdalseyrar, þegar hentug lóð er fengin á fulltryggjandi hátt.

— **Brjef landshöfðingja til amtmannsins yfir suður- og vesturamdaminu um 67 sjerstakt mauntalþing fyrir Þingvallahrepp.** — Samkvæmt tillögum yðar, herra amt- 14. marz maður, í þóknanlegu brjefi frá 11. þ. m. samþykkist, að Þingvallahreppur í Árnessýslu verði sjerstök manntalþinghá með þingstað á Þingvöllum, og er þetta samþykki mitt bundið því skilyrði, að hreppsnefnd Þingvallahrepps sjái um, að hæfilegt þinghús verði